

四庫全書

集部

欽定四庫全書

集部

御定全唐詩卷一百九十八

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣石鴻翥

謄錄監生臣王永鎮

欽定四庫全書

御定全唐詩卷一百九十八

岑參

岑參南陽人文本之後少孤貧篤學登天寶三載進士
第由率府參軍累官右補闕論斥權佞改起居郎尋出
為虢州長史復入為太子中允代宗總戎陝服委以書
奏之任由庫部郎出刺嘉州杜鴻漸鎮西川表為從事
以職方郎兼侍御史領幕職使罷流寓不還遂終於蜀

參詩辭意清切迴拔孤秀多出佳境每一篇出人競傳
寫比之吳均何遜馬集八卷今編四卷

北庭西郊侯封大夫受降回軍獻上

胡地苜蓿美輪臺征馬肥大夫討匈奴前月西出師甲
兵未得戰降虜來如歸橐駝何連連穹帳亦纍纍陰山
烽火滅劍水羽書稀却笑霍嫖姚區區徒爾為西郊侯
中軍平沙懸落暉驛馬從西來雙節夾路馳喜鵲捧金
印蛟龍盤畫旗如公未四十富貴能及時直上排青雲

傍看疾若飛前年斬樓蘭去歲平月支天子日殊寵朝
廷方見推何幸一書生忽蒙國士知側身佐戎幕斂衽
事邊陲自逐定遠侯亦着短後衣近來能走馬不弱并
州兒

初至西虢官舍南池呈左右省及南宮諸故人
黜官自西掖待罪臨下陽空積大馬戀豈思鷓鴣行素
多江湖意偶佐山水鄉滿院池月靜捲簾溪雨涼軒窓
竹翠濕案牘荷花香白鳥上衣桁青苔生筆牀數公不

可見一別盡相忘敢恨青瑣客無情華省郎早年迷進
退晚節悟行藏他日能相訪嵩南舊草堂

過梁州奉贈張尚書大夫公

漢中二良將今昔各一時韓信此登壇尚書復來斯手
把銅虎符身總丈人師錯落北斗星照耀黑水湄英雄
若神授大材濟時危項歲遇雷雲精神感靈祇勲業振
青史恩德繼鴻私羗虜昔未平華陽積僵屍人煙絕墟
落鬼火依城池巴漢空水流褒斜惟鳥飛自公布德政

此地生光輝百堵創里閭千家恤慚嫠層城重鼓角甲
士如熊羆坐嘯風自調行春雨仍隨芄芄麥苗長藹藹
桑葉肥浮客相與來羣盜不敢窺何幸承嘉惠小年即
相知富貴情易踈相逢心不移置酒宴高館嬌歌雜青
絲錦席繡拂廬玉盤金屈卮春景透高戟江雲篲長麾
櫪馬嘶柳陰美人映花枝門傳大夫印世擁上將旗承
家令名揚許國苦節施戎幕寧久駐台階不應遲別有
彈冠士希君無見遺

登北庭北樓呈幕中諸公

嘗讀西域傳漢家得輪臺古塞千年空陰山獨崔嵬二
庭近西海六月秋風來日暮上北樓殺氣凝不開大荒
無鳥飛但見白龍堆即舊國眇天末歸心日悠哉上將
新破胡西郊絕煙埃邊城寂無事撫劍空徘徊幸得趨
幕中託身厠羣才早知安邊計未盡平生懷

初過隴山途中呈宇文判官

一驛過一驛驛騎如星流平明發咸陽暮及隴山頭隴

水不可聽嗚咽令人愁沙塵撲馬汗霧露凝貂裘西來
誰家子自道新封侯前月發安西路上無停留都護猶
未到來時在西州十日過沙磧終朝風不休馬走碎石
中四蹄皆血流萬里奉王事一身無所求也知塞垣苦
豈為妻子謀山口月欲出先照關城樓谿流與松風靜
夜相颼颼一作颼別家一作來賴歸夢山塞多離憂與子且
攜手不愁前路脩

陪狄員外早秋登府西樓因呈院中諸公

常愛張儀樓西山正相當千峰帶積雪百里臨城牆煙
氛掃晴空草樹映朝光車馬隘百井里閉盤二江亞相
自登壇時危安此方威聲振蠻貊惠化鍾華陽旌節羅
廣庭戈鋌凜秋霜階下貌虎士幕中鷓鴣行今我忽登
臨顧恩不望鄉知己猶未報鬢毛颯已蒼時命難自知
功業豈暫忘蟬鳴秋城夕鳥去江天長兵馬休戰爭風
塵尚蒼茫誰當共攜手賴有冬官郎

冬夜宿仙遊寺南涼堂呈謙道人

太乙連太白兩山知幾重
路盤石門窄匹馬行才通
日西倒山寺林下逢
支公昨夜山北時
星星聞此鐘
秦女去已久
仙臺在中峰
簫聲不可聞
此地留遺蹤
石潭積黛色
每歲投金龍
亂流爭迅湍
噴薄如雷風
夜來聞清磬
月出蒼山空
山滿清光水
樹相玲瓏
迴廊映密竹
秋殿隱深松
燈影落前谿
夜宿水聲中
愛茲林巒好
結宇向谿東
相識唯山僧
鄰家一釣翁
林晚栗初拆
枝寒梨已紅
物幽興易愜
事勝趣彌濃
願謝區中緣
永依金

人宮寄報乘輦客替裾爾何容

潼關鎮國軍勾覆使院早春寄王同州

胡寇尚未盡大軍鎮關門旌旗遍草木兵馬如雲屯
朝正用武諸將皆承恩不見征戰功但聞歌吹喧儒生
有長策閉口不敢言昨從關東來思與故人論何為廊
廟器至今居外藩黃霸寧淹留蒼生望騰騫卷簾見西
岳仙掌明朝暎昨夜聞春風戴勝過後園各自限官守
何由叙涼溫離憂不可忘襟背思樹萱

青山峽口泊舟懷狄侍御

峽口秋水壯沙邊且停橈奔濤振石壁峰勢如動搖九
月蘆花新彌令客心焦誰念在江島故人滿天朝無處
豁心胸憂來醉能銷往來巴山道三見秋草彫狄生新
相知才調凌雲霄賦詩析造化入幕生風颺把筆判甲
兵戰士不敢驕皆云梁公後遇鼎還能調離別條經時
音塵殊寂寥何當見夫子不歎鄉關遙

寄青城龍谿奧道人

五嶽之丈人西望青曹曹

惜惜一作

雲開露崖嶠百里見石

稜龍谿盤中峰上有蓮華僧絕頂小

一作少

蘭若四時嵐

氣

一作翠

凝身同雲虛無心與谿清澄誦戒龍每聽賦詩

人則稱杉風吹

一作冷

袈裟石壁懸孤燈久欲謝微祿誓

將歸大乘願聞開士說庶以心相應

梁州對雨懷麴二秀才便呈麴大判官時疾贈

余新詩

江上雲氣黑岬山昨夜雷水惡平明飛雨從蟠冢來濛

濛隨風過蕭颯鳴庭槐
隔簾濕衣巾當暑涼
幽齋麴生住相近
言語阻且乖
卧疾不見人
午時門始開
終日看本草
藥苗滿前階
兄弟早有名
甲科皆秀才
二人事慈母
不弱古老萊
昨歎攜手遲
未盡平生懷
愛君有佳句
一日吟幾迴

潼關使院懷王七季友

王生今才子

一作人

時輩咸所仰
何當見顏色
終日勞夢

想驅車到關下
欲往阻河廣
滿目徒春華
思君罷心賞

開門見太華朝日映高掌忽覺蓮花峰別來更如長無
心顧微祿有意在獨往不負林中期終當出塵網

至

一作官

大梁却寄匡

一作康

城主人

一從棄魚釣十載干明王無由謁天階却欲歸滄浪仲
秋至東郡遂見天雨霜昨日夢故山蕙草一作芳蕙色已黃

平明辭鐵丘薄暮遊大梁仲秋蕭條景拔刺飛鵝鶴四

郊陰氣

一作氣

閉萬里無晶光長風吹白茅野火燒枯桑

故人南燕吏籍籍名更香聊以玉壺贈置之君子堂

宿華陰東郭客舍憶閻防

次舍山郭近解鞍鳴鐘時
主人炊新粒行子充夜饑
關月生首陽照見華陰祠
蒼茫秋山晦蕭瑟寒松悲
久從園廬別遂與朋一作相知
辭舊壑蘭杜晚歸軒今已遲

宿東谿王屋李隱者

山店不鑿井百家同一泉
晚來南村黑雨色和人煙
霜畦吐寒菜沙鴈噪河田
隱者不可見天壇飛鳥邊

郊行寄杜位

峭崿空城煙淒清

一作涼

寒山景秋風引歸夢昨夜到汝

潁近寺聞鐘聲映陂見樹影所思何由見東北徒引領

懷葉縣關操姚曠韓涉李叔齊

數子皆故人一時吏宛葉經年總不見書札徒滿篋斜
日半空庭旋風走梨葉去君千里地言笑何時接

西蜀旅舍春歎寄朝中故人呈狄評事

春與人相乖柳青頭轉白生平未得意覽鏡私自惜四
海猶未安一身無所適自從兵戈動遂覺天地窄功業

悲後時光陰歎虛擲却為文章累幸有開濟策何負當

途人無心矜窘厄回瞻後來者皆欲肆

一作相

輜轢起草

思南宮寄言憶西掖時危任舒卷身退知損益窮巷草
轉深閒門日將夕橋西暮雨黑離外春江碧昨者初識
君相看俱是客聲華同道術世業通往昔早須歸天階
不得安孔席吾先稅歸鞅舊國如咫尺

太白東溪張

一作李

老舍即事寄舍弟姪等

一本題上

有宿字題
下無等字

渭上秋雨過北風何

一作暮

騷騷天晴諸山出太白峰最

高主人東溪老兩耳生長毫遠近知百歲子孫皆二毛
中庭井闌上一架獼猴桃石泉飯香粳酒甕開新槽愛
茲田中趣始悟世上勞我行有勝事書此寄爾曹

上嘉州青衣山中峰題惠淨上人幽居寄兵部

楊郎中

并序

青衣之山在大江之中屹然迴絕崖壁蒼峭周廣
七里長波四匝有惠淨上人廬於其顛唯繩牀竹

杖而已恒持蓮花經十年不下山予自公浮舟聊
一登眺友人夏官弘農楊侯清談之士也素工為
文獨立於世與余有方外之約每多獨住之意今
者幽躅勝槩歎不得與此公俱爰命小吏刮磨石
壁以識其事乃詩以達楊友爾

青衣誰開鑿獨在水中央浮舟一躋攀側逕緣

一作沿穹

蒼絕頂詣

一作訪

老僧豁然登上方諸嶺一何小三江奔

茫茫蘭若向西開峨眉正相當猿鳥樂鐘磬松蘿泛天

香江雲入袈裟山月吐繩牀早知清淨理久乃機心忘
尚以名宦拘聿來夷獠鄉吾友不可見鬱為尚書郎早
歲愛丹經留心向青囊渺渺雲智遠幽幽海懷長勝賞
欲與俱引領遙相望為政媿無術分憂幸時康君子滿
天朝老夫憶滄浪况值廬山遠抽簪歸法王

入劍門作寄杜楊二郎中時二公並為杜元帥
判官

不知造化初此山誰開坼雙崖倚天立萬仞從地劈雲

飛不到頂鳥去難過壁速駕畏巖傾單行愁路窄平明
地仍黑停午日暫赤凜凜三伏寒巉巉五丁迹與時忽
開閉作固或順逆磅礴跨岷峨巍蟠限蠻貊星常背參
分地處西南僻陡覺煙景殊杳將華夏隔劉氏昔顛覆
公孫曾敗績始知德不修恃此險何益相公總師旅遠
近罷金革杜母來何避蜀人應更惜暫回丹青慮少用
開濟策二友華省郎俱為幕中客良蒿佐戎律精理皆
碩畫高文出詩騷奧學窮討贖聖朝無外戶寰宇被德

澤四海今一家徒然劔門石

鞏北秋興寄崔明允

白露披梧桐玄蟬晝夜號
秋風萬里動日暮黃雲高
君子佐休明小事蓬蒿所適在
魚鳥焉能徇錐刀孤舟向廣武
一鳥歸成臯勝槩日相與
思君心鬱陶

春遇南使貽趙知音

端居春心醉襟背思樹萱
美人在南州為爾歌北門
北風吹煙物戴勝鳴中園
枯楊長一作抽新條芳草滋
舊根

網絲結寶琴塵埃被空樽
適遇江海信聊與南客論

冀州客舍酒酣貽王綺寄題南樓

時王子欲應制舉西上

夫子傲常調詔書下徵求
知君欲謁帝秣馬趨西周
逸足何駸駸美聲實風流
學富贍清詞下筆不能休
君家一何盛赫奕難為儔
伯父四五人同時為諸侯
憶昨始相值值君容貝丘
相看復乘興攜手到冀州
前日在南縣與君上北樓
野曠不見山白日落草頭
客舍梨花繁深花隱鳴鳩
南鄰新酒熟有女彈箜篌
醉後或狂歌酒

醒滿離憂主人不相識此地難淹留吾廬終南下堪與
王孫遊何當肯相尋澧上一孤舟

終南雲際精舍尋法澄上人
不遇歸高冠東潭

石淙望秦嶺微雨作貽友人

昨夜雲際宿旦

一作通

從西峰

一作嶺一作風

回不見林中僧微

雨潭上來諸峰皆青翠秦嶺獨不開石鼓有時鳴秦王

安在哉東南雲開處突兀猶猴臺崖口懸瀑流半空白

皚皚

河嶽英靈無上四向有水深斷山口吼沫相喧

噴壁四時雨傍村終

日雷北瞻長安道日夕生塵埃若訪張仲蔚衡門滿

一作

映
蒿萊

敬酬杜華淇上見贈兼呈熊曜

杜侯實才子盛名不可及祇曾效

為一作

一官今已年四

十是君同時者已有尚書郎憐君獨未遇淹泊在他鄉
我從京師來到此喜相見共論窮途事不覺淚滿面憶
昨癸未歲吾兄自江東得君江湖詩骨氣凌謝公熊生
尉淇上開館常待客喜我二人來歡笑朝復夕縣樓墜

春岸戴勝鳴花枝吾徒在舟中縱酒蕪彈碁三月猶未
還寒愁滿春草賴蒙瑤華贈諷詠慰懷抱

酬成少尹駱谷行見呈

聞君行路難惆悵臨長衢豈不憚險艱王程剩相拘憶
昨蓬萊宮新授刺史符明主仍賜衣價值千萬餘何幸
承命日得與夫子俱攜手出華省連鑣赴長途五馬當
路嘶按節投蜀都千崖一作巖信縈折一徑何盤紆層冰
滑征輪密竹礙隼旗深林迷昏旦棧道凌空虛飛雪縮

馬毛烈風擘我膚峰攢望天小亭午見日初夜宿月近
人朝行雲滿車泉澆石罅坼火入松心枯亞尹同心者
風流賢大夫榮祿上及親之官隨板輿高價振臺閣清
詞出應徐成都春酒香且用俸錢沽浮名何足道海上
堪乘桴

號中酬陝西甄判官見贈

微才棄散地拙宦慙清時白髮徒自負青雲難可期胡
塵暗東洛亞相方出師分陝振鼓輦二嶠滿旌旗夫子

廊廟器迴然青冥姿閫外佐戎律幕中吐兵奇前者驛
使來忽枉行軍詩晝吟庭花落夜諷山月移昔君隱蘓
門浪跡不可羈詔書自徵用令譽天下知別來春草長
東望轉相思寂寞山城暮空聞畫角悲

送許子推第歸江寧拜親因寄王大昌齡

建業控京口金陵款滄溟君家臨秦淮傍對石頭城十
年自勤學一鼓遊上京青春登甲科動地聞香名解榻
皆五侯結交盡羣一作英六月槐花飛忽思蓴菜羨跨

馬出國門丹陽返柴荆楚雲引歸帆淮水浮客程到家

拜親時入門有光榮鄉人盡來賀置酒相邀迎閒眺北

顧

一作登江
一作因登

樓醉眠湖上亭月從海門出照見茅山青

昔為帝王州今幸天地

一作

平五朝變人世千載空江

聲玄元告靈符丹洞獲其銘皇帝受玉冊羣臣羅天庭

喜氣薄太陽祥光徹宵冥奔走朝萬國崩騰集百靈王

兄尚謫宦屢見秋雲生孤城帶後湖心與湖水清一縣

無諍辭有時開道經黃鶴垂兩翅徘徊但悲

一作
且鳴相

思不可見空望牛女星

武威送劉單判官赴安西行營便

一作使

呈高開

府

熱海亘鐵門火山赫金方白草磨天涯胡沙莽茫茫夫
子佐戎幕其鋒利如霜中歲學兵符不能守文章功業
須及時立身有行藏男兒感忠義萬里忘越鄉孟夏邊
候避胡國草木長馬疾過飛鳥天窮起夕陽都護新出
師五月發軍裝甲兵二百萬鉛落黃金光揚旗拂崑崙

伐鼓震蒲昌太白引官軍天威臨大荒西望雲似蛇戎
夷知喪亡渾驅大宛馬繫取樓蘭王曾到交河城風土
斷人腸寒驛遠如點邊烽互相望赤亭多颶風鼓怒不
可當有時無人行沙石亂飄揚夜靜天蕭條鬼哭夾道
傍地上多髑髏皆是古戰場置酒高館夕邊城月蒼蒼
軍中宰肥牛堂上羅羽觴紅淚金燭盤嬌歌豔新妝望
君仰青冥短翮難可翔蒼然西郊道握手何慨慷

送王大昌齡赴江寧

對酒寂不語，悵然悲送君。
明時未得用，白首徒攻文。
澤國從一官，滄波幾千里。
羣公滿天闕，獨去過淮水。
舊家富春渚，嘗憶卧江樓。
自聞君欲行，頻望南徐州。
窮巷獨閉門，寒燈靜深屋。
北風吹微雪，抱被肯同宿。
君行到京口，正是桃花時。
舟中饒孤興，湖上多新詩。
潛虬且深蟠，黃鶴舉未飛。
一作鶴飛來晚惜君青雲器，
努力加餐飯。

送祁樂歸河東

祁樂後來秀，挺身出河東。
往年詣驪山，獻賦溫泉宮。
天

子不名見揮鞭遂從戎前月還長安囊中金已空有時

忽乘興畫出江上峰牀頭蒼梧雲簾下天台松忽如高

堂上颯颯生清

一作間江

風五月火雲屯氣燒天地紅鳥且

不敢飛子行如轉蓬少華與首陽隔河勢爭雄新月河

上出清光滿關中置酒灞亭別高歌披心胸君到故山

時為謝五

一作君謝

老翁

北庭貽宗學士道別

萬事不可料歎君在軍中讀書破萬卷何事來從戎曾

逐李輕車西征出太蒙荷戈月窟外擐甲崑崙東兩度
皆破胡朝廷輕戰功十年祇一命萬里如飄蓬容鬢老
胡塵衣裘脆邊風忽來輪臺下相見披心胸飲酒對春
草彈碁聞夜鐘今且還龜茲臂上懸角弓平沙向旅館
匹馬隨飛鴻孤城倚大磧海氣迎邊空四月猶自寒天
山雪濛濛君有賢主將何謂泣途窮時來整六翮一舉
凌蒼穹

送許拾遺恩歸江寧拜親

詔書下青瑣駟馬還吳洲束帛仍賜衣恩波漲滄流微
祿將及親向家非遠遊看君五斗米不謝萬戶侯適出
西掖垣如到南徐州歸心望海日鄉夢登江樓大江盤
金陵諸山橫石頭楓樹隱茅屋橘林繁漁舟種藥疏故
畦釣魚垂舊鉤對月京口夕觀濤海門秋天子憐諫官
論事不可一作肯休早來丹墀下高駕無淹留

虢州郡齋南池幽興因與閤二侍御道別

池色淨天碧水涼雨淒淒快風從東南荷葉翻向西性

本愛魚鳥未能返巖谿中歲徇微官遂令心賞睽及茲
佐山郡不異尋幽棲小吏趨竹徑訟庭侵藥畦胡塵暗
河洛二陝震鼓輦故人佐戎軒逸翮凌雲霓行軍在函
谷兩度聞鶯啼相看紅旗下飲酒白日低聞君欲朝天
駟馬臨道嘶仰望浮與沉忽如雲與泥夜眠驛樓月曉
發關城雞惆悵西郊暮鄉書對君題

青龍招提歸一上人遠遊吳楚別詩

久交應真侶最歎青龍僧棄官向二年削髮歸一乘了

然瑩心身潔念樂空寂名香泛牕戶幽磬清曉夕往年
仗一劒由是佐二庭於焉久從戎兼復解論兵世人猶
未知天子願相見朝從青蓮宇暮入白虎殿宮女擎錫
杖御筵出香爐說法開藏經論邊窮陣圖忘機厭塵喧
浪迹向江海思師石可訪惠遠峰猶在今旦飛錫去何
時持鉢還湖煙冷吳門淮月銜楚山一身如浮雲萬里
過江水相思眇天末

一作外

南望無窮已

送李翥遊江外

相識應十載見君只一官家貧祿尚薄霜降衣仍單惆
悵秋草死蕭條芳歲闌且尋滄洲路遙指

一作望

吳雲端

匹馬關塞遠孤舟江海寬夜眠楚煙濕曉飯湖山寒砧
淨紅鱗落袖香朱橘團帆前見禹廟枕底聞嚴灘便獲
賞心趣豈歌行路難青門須醉別少為解征鞍

送王著作赴淮西幕府

燕子與百勞一西復一東天空信寥廓翔集何時同知
已悵難遇良朋非易逢憐君心相親與我家又通言笺

日無度書札凡幾封湛湛萬頃波森森千丈松不知有
機巧無事干心胃滿堂皆酒徒豈復羨王公早年抱將
略累歲依幕中昨者從淮西歸來秦邊功承恩長樂殿
醉出明光宮逆旅悲寒蟬客夢驚飛鴻發家見春草却
去聞秋風月色冷楚城淮光透霜空各自務功業當須
激深衷別後能相思何嗟山水重

送張秘書充劉相公通汴河判官便赴江外覲

省

前年見君時見君正泥蟠去年見君處見君已風搏朝
趨赤墀前高視青雲端新登麒麟閣適脫獬豸冠劉公
領舟楫汴水揚波瀾萬里江海通九州天地寬昨夜動
使星今旦送征鞍老親在吳郡令弟雙同官鱸膾剩堪
憶萼羹殊可餐既參幕中畫復展膝下歡因送故人行
試歌行路難何處路最難最難在長安長安多權貴珂
珮聲珊珊儒生直如弦權貴不須干斗酒取一醉孤琴
為君彈臨岐欲有贈持以握中蘭

冬宵家會餞李郎司兵赴同州

急管雜青絲玉瓶金屈卮寒天高堂夜撲地飛雪時賀
君闕西掾新綬腰下垂白面皇家郎逸翮青雲姿明日
之官去他辰良會稀惜別冬夜短務歡盃行遲季女猶
自小老夫未令歸且看匹馬行不得鳴鳳飛昔歲到馮
翊人煙接京師曾上月樓頭遙見西嶽祠沙苑逼官舍
蓮峰壓城池多暇或自公讀書復彈棊州縣信徒勞雲
霄亦可期應須力為政聊慰此相思

送顏平原

并序

十二年春有詔補尚書十數公為郡守上親賦詩
觴羣公宴於蓬萊前殿仍贈以繒帛寵餞加等參
美顏公是行為寵別章句

天子念黎庶詔書換諸侯仙郎授剖符華省輟分憂置
酒會前殿賜錢若山丘天章降三光聖澤該九州吾兄
鎮河朔拜命宣皇猷駟馬辭國門一星東北流夏雲照
銀印暑雨隨行輶赤筆仍在篋醴香惹衣裘此地鄰東

漠孤城弔滄洲海風掣金戟導吏呼鳴騶郊原北連燕
剽劫風未休魚鹽隘里巷桑柘盈田疇為郡豈淹旬政
成應未秋易俗去猛虎化人似馴鷗蒼生已望君黃霸
寧久留

送狄員外巡按西山軍

得霽字

兵馬守西山中國非得計不知何代策空使蜀人弊八
州崖谷深千里雲雪閉泉澆閣道滑水凍繩橋脆戰士
常苦饑糗糧不相繼胡兵猶不歸空山積年歲儒生識

損益言事皆審諦狄子幕府郎有謀必康濟胸中懸明
鏡照耀無巨細莫辭冒險艱可以裨節制相思江樓夕
愁見月澄霽

虢州送鄭興宗弟歸扶風別廬

佐郡已三載豈能長後時出關少親友賴汝常相隨今
旦忽言別愴然俱淚垂平生滄洲意獨有青山知州縣
不敢說雲霄誰敢期因懷東谿老最憶南峰緇為我多
種藥還山應未遲

澧頭送蔣侯

君住澧水北我家澧水西
兩村辨喬木五里聞鳴雞
飲酒溪雨過彈碁山月低
徒聞一作開蔣生徑爾去誰相攜

送永壽王贊府還

一作送

歸縣

得蟬字

當官接閒暇暫得歸林泉
百里路不宿兩鄉山復連
夜深露濕草月出風驚蟬
且盡主人酒為君從醉眠

南池宴餞辛子賦得蚪斗子

臨池見蚪斗羨爾樂有餘
不憂網與釣幸得免為魚
且

願充文字登君尺素書

登嘉州凌雲寺作

寺出飛鳥外青峰戴朱樓
搏壁躋半空喜得登上頭
始知宇宙濶下看三江流
天晴見我眉如向波上浮
迴曠煙景豁陰森棕枏稠
願割區中緣永從塵外遊
迴風吹虎穴片雨當龍湫
僧房雲濛濛夏月寒飈飈
回合俯近郭寥落見遠舟
勝槩無端倪天宮可淹留
一官詎足道欲去令人愁

與高適薛據登慈恩寺浮圖

塔勢如湧出孤高聳天宮
登臨出世界磴道盤虛空
突兀壓神州崢嶸如鬼工
四角礙白日七層摩蒼穹
下窺指高鳥俯聽聞驚風
連山若波濤奔湊似朝東
青槐夾馳道宮館何玲瓏
秋色從西來蒼然滿關中
五陵北原上萬古青濛濛
淨理了可悟勝因夙所宗
誓將挂冠去覺道資無窮

登十福寺楚金禪師法華院多寶塔

多寶滅已久蓮花付吾師寶塔凌太空忽如湧出時數
年功不成一志堅自持明主親夢見世人今始知千家
獻黃金萬匠磨琉璃既空泰山木亦罄天府費焚香如
雲屯幡蓋珊瑚垂悉窳神繞護衆魔不敢窺作禮覩靈
境焚香方證疑庶割區中緣脫身恒在茲

出關經華嶽寺訪法華雲公

野寺聊解鞍偶見法華僧開門對西嶽石壁青稜層竹
徑厚蒼苔松門盤紫藤長廊列古畫高殿懸孤燈五月

山雨熱三峰火雲蒸側聞樵人言深谷猶積冰久願尋
此山至今嗟未能謫官忽東走王程苦相仍欲去戀雙
樹何由窮一乘月輪吐山郭夜色空清澄

春半與羣公同遊元處士別業

郭南處士宅門外羅羣峰勝槩忽相引春華今正濃山
厨竹裏爨野碓藤間春對酒雲數片捲簾花萬重巖泉
嗟到晚州縣欲歸鳩草色帶朝雨灘聲兼夜鐘愛茲清
俗慮何事老塵容况有林下約轉懷方外蹤

陪羣公龍岡寺泛舟

得盤字

漢水天一色寺樓波底看鐘鳴
長空夕月出孤舟寒映
酒見山火隔簾聞夜灘
紫鱗掣芳餌紅燭然金盤
良友興正愜勝遊情未闌
此中堪倒載須盡主人歡

終南山雙峰草堂作

斂跡歸山田悉心謝時
筆畫還草堂卧但與雙峰對興
來恣佳遊事愜符勝槩著書高
牕下日夕見城內曩為
世人誤遂負平生愛久與林壑
辭及來松杉大偶茲近

精廬屢得名僧會
有時逐樵漁盡一作永
日不冠帶崖口

上新月石門破蒼靄
色向羣木深一作洗
光搖一潭碎緬

懷鄭生谷頗憶嚴子瀨
勝事猶可追斯人
邈千載

左僕射相國冀公東齋幽居同黎拾遺賦獻

丞相百僚長兩朝
居此官成功雲雷際
翊聖天地安不
矜南宮貴祇向東山看
宅占鳳城勝牕中雲嶺寬
午時松軒夕六月藤齋寒
玉珮冒女蘿金印耀牡丹
山蟬上衣桁野鼠緣藥盤
有時披道書竟日不着冠
幸得趨省

聞常欣在門闌何當復持衡短翮期風搏

過緱山王處士黑石谷隱居

舊居緱山下偏識緱山雲處士久不還見雲如見君別
來逾十秋兵馬日紛紛青谿開戰場黑谷屯行軍遂令
巢由輩遠逐麋鹿羣獨有南澗水潺湲如昔聞

緱山西峰草堂作

結廬對中嶽青翠常在門遂耽水木興盡作漁樵言頃
來闕章句但欲閒心魂日色隱空谷蟬聲喧暮村曩聞

道士語偶見清淨源
隱几聞吹葉乘秋眺
歸根獨遊念
求仲開徑招王孫
片雨下南澗孤峰出東原
棲遲慮益澹脫略道
彌敦野靄晴拂枕
客帆遙入軒尚平
今何在
此意誰與論
佇立雲去盡
蒼蒼月開園

觀楚國寺璋上人寫一切經院南有曲池深竹
璋公不出院羣木閉深居
誓寫一切經欲向萬卷餘
揮毫散林鵲研墨驚池魚
音翻四句偈字譯五天書
鳴鐘竹陰晚汲水桐花初
雨氣潤衣鉢香煙泛庭除
此地日

清淨諸天應未如不知將錫杖早晚躡空虛

尋鞏縣南李處士別業

先生近南郭茅屋臨東川桑葉隱村戶蘆花映釣船有時著書暇盡日牕中眠且喜間井近灌田同一泉

聞崔十二

一作三十

侍御灌口夜宿報恩寺

聞君尋野寺便

一作夜

宿支公房溪月冷深殿江雲擁迴

廊然燈松林靜煮茗柴門香勝事不可接相思幽興長

自潘陵火還少室居止秋夕憑眺

草堂近少室夜靜聞風松月出潘陵尖照見十六峰九
月山葉赤谿雲淡秋容火點伊陽村煙深嵩角鐘尚子
不可見蔣生難再逢勝愜只自知佳趣為誰濃昨詣山
僧期上到天壇東向下望雷雨雲間見回龍夕與人羣
踈轉愛丘壑中心澹水木會興幽魚鳥通稀微了自釋
出處乃不同况本無宦情誓將依道風

南池夜宿思王屋青蘿舊齋

池上卧煩暑不櫛復不巾有時清風來自謂羲皇人天

晴雲歸盡雨洗月色新
公事嘗不閒道書日生塵
早年家王屋五別青蘿春
安得還舊山東谿垂釣綸

過王判官西津所居

勝迹不在遠愛君池館幽
素懷巖中諾宛得塵外遊
何必到清谿忽來見滄洲
潛移岷山石暗引巴江流
樹密晝先夜竹深夏已秋
沙鳥上筆牀谿花萼蘆
鈎夫子賤簪冕注心向
林丘落日公堂垂綸乘釣
舟賦詩憶楚老載酒隨江
鷗倏然一傲吏獨在西津
頭

因假歸白閣西草堂

雷聲傍太白雨在八九峰東望白閣雲半入紫閣松勝
槩紛滿目衡門趣彌濃幸有數畝田得延二仲蹤早聞
達士語偶與心相通誤徇一微官還山愧塵容釣竿不
復把野碓無人春惆悵飛鳥盡南谿聞夜鐘

題華嚴寺瓌公禪房

寺南幾十峰峰翠晴可掬朝從老僧飯昨日崖口宿錫
杖倚枯松繩牀映深竹東谿草堂路來往行自熟生事

在雲山誰能復羈束

東歸留題太常徐卿草堂

在蜀

不謝古名將吾知徐太常年纔三十餘勇冠西南方
項曾策匹馬獨出持兩鎗虜騎無數來見君不敢當
漢將小衛霍蜀將凌關張卿月益清澄將星轉光芒復居少
城北遙對岷山陽車馬日盈門賓客常滿堂曲池蔭高
樹小徑穿叢篁江鳥飛入簾山雲來到牀題詩芭蕉滑
對酒棕花香諸將射獵時君在翰墨場聖主賞勲業邊

城最輝光與我情綢繆相知久芬芳忽作萬里別東歸
三峽長

太一石鰲崖口潭舊廬招王學士

驟雨鳴浙澀颼颼谿谷寒碧潭千餘尺下見蛟龍蟠石
門吞衆流絕岸呀層巒幽趣條萬變竒觀非一端偶逐
干祿徒十年皆小官抱板尋舊圃敝廬臨迅湍君子滿
清朝小人思挂冠釀酒漉松子引泉通竹竿何必濯滄
浪不能釣嚴灘此地可遺老勸君來考槃

林卧

偶得魚鳥趣復茲水木涼
遠峰帶雨色落日搖川光
白
中西山藥袖裏淮南方
唯愛隱几時獨遊無何鄉

驪姬墓下作

夷吾重耳墓
隔河相去十三里

驪姬北原上閉骨已千秋
澮水日東注惡名終不流
獻
公恣耽惑視子如仇
讎此事成蔓草我來逢
古丘蛾眉
山月苦蟬鬢野雲愁
欲弔二公子橫汾無輕舟

東歸晚次潼關懷古

暮春別鄉樹晚景低津樓伯夷在首陽欲往無輕舟遂
登闕城望下見洪河流自從臣靈開流血千萬秋行行
潘生賦赫赫曹公謀川上多往事淒涼滿空洲

楚夕旅泊古興

獨鶴唳江月孤帆凌楚雲秋風冷蕭瑟蘆荻花紛紛忽
思湘川老欲訪雲中君騏驎息悲鳴愁見豺虎羣

先主武侯廟

先主與武侯相逢雲雷際感通君臣分義激魚水契遺

廟空蕭然英靈貫千歲

文公講堂

文公不可見空使蜀人傳
講席何時散高臺豈復全
豐碑文字滅冥漠不知年

楊雄草玄臺

吾悲子雲居寂寞人已去
娟娟西江月猶照草玄處
精怪喜無人睢盱藏老樹

司馬相如琴臺

相如琴臺古人去臺亦空臺上寒蕭條至今多悲風荒
臺漢時月色與舊時同

嚴君平卜肆

君平曾賣卜卜肆蕪已久至今杖頭錢時時地上有不
知支機石還在人間否

張儀樓

傳是秦時樓巍巍至今在樓南兩江水千古長不改曾
聞昔時人歲月不相待

昇仙橋

長橋題柱去猶是未達時及乘駟馬車却從橋上歸
名共東流水滔滔無盡期

萬里橋

成都與維揚相去萬里地滄江東流疾帆去如鳥翅
楚客過此橋東看盡垂淚

石犀

江水初蕩滂蜀人幾為魚向無爾石犀安得有邑居
始

知李太守伯禹亦不如

龍女祠

龍女何處來來時乘風雨祠堂青林下宛宛如相語蜀人競祈恩捧酒仍擊鼓

使交河郡郡在火山脚其地苦熱無雨雪獻封大夫

奉使按胡俗平明發輪臺暮投交河城火山赤崔巍九月尚流汗炎風吹沙埃何事陰陽工不遣雨雪來吾君

方憂邊分闡資大才昨者新破胡安西兵馬回鐵關控

天涯

一作崖

萬里何遼哉煙塵不敢飛白草空皚皚軍中

日無事醉舞傾金壘漢代李將軍微功合

一作令

可哈

與鮮于庶子自梓州成都少尹自褒城同行至

利州道中作

剖竹向西蜀岷峩眇天涯空深北闕戀豈憚南路賒前
日登七盤曠然見三巴漢水出岫冢梁山控褒斜棧道
籠迅湍行人貫層崖巖傾劣通馬石窄難容車深林怯

魑魅洞穴防龍蛇水種新插秧山田正燒畚夜猿嘯山
雨曙鳥鳴江花過午方始飯經時旋及瓜數公各遊宦
千里皆辭家言笑忘羈旅還如在京華

下外江舟懷終南舊居

杉冷曉猿悲楚容心欲絕孤舟巴山雨萬里陽臺月水
宿已淹時蘆花白如雪顏容老難頰把鏡悲鬢髮早年
好金丹方士傳口訣敝廬終南下久與真侶別道書誰
更開藥竈煙遂滅頃來塵網安得有仙骨巖壑歸去

來公卿是何物

安西館中思長安

家在日出處朝來起東風風從帝鄉來不異家信通絕
域地欲盡孤城天遂窮彌年但走馬終日隨飄蓬寂寞
不得意辛勤方在公胡塵淨古塞兵氣屯邊空鄉路眇
天外歸期如夢中遙憑長房術為縮天山東

暮秋山行

疲馬卧長坂夕陽下通津山風吹空

一作長

林颯颯如有

人蒼旻霽涼雨石路無飛塵
千念集暮節萬籟悲蕭晨
鷓鴣昨夜鳴蕙草色已陳
况在遠行客自然多苦辛

赴捷為經龍閣道

側徑轉

一作博

青壁危梁透滄波汗流出鳥道
瞻碎窺龍

一作魚

渦驟雨暗谿口

一作溪谷

歸雲網松蘿屢聞羌兒笛厭

聽巴童歌江路險復永夢魂愁更多
聖朝幸典郡不敢
嫌岷峨

江上

一作山

阻風雨

江上風欲來泊舟未能發氣昏雨已過突兀山復出積
浪成高丘盤渦為嵌窟雲低岸花掩水漲灘草沒老樹
蛇蛻皮崩崖龍退骨平生抱忠信艱險殊可忽

經火山

火山今始見突兀蒲昌東赤焰燒虜雲炎氛蒸塞空不
知陰陽炭何獨然此中我來嚴冬時山下多炎風人馬
盡汗流孰知造化功

題鐵門關樓

鐵關天西涯極目少行客關門一小吏終日對石壁橋
跨千仞危路盤兩崖窄試登西樓望一望頭欲白

早上五盤嶺

平旦驅馬曠然出五盤江迴兩崖闕日隱羣峰攢蒼
翠煙景曙森沈雲樹寒松疎露孤驛花密藏迴灘棧道
谿雨滑畬田原草乾此行為知己不覺蜀道難

峨眉東脚臨江聽猿懷二室舊廬

峨眉煙翠新昨夜秋雨洗分明峰頭樹倒插秋江底久

別二室間圖他五斗米哀猿不可聽北客欲流涕

東歸發犍為至泥谿舟中作

前日解侯印泛舟歸山東平旦發犍為逍遙信回風七月江水大滄波漲秋空復有峨眉僧誦經在舟中夜泊防虎豹朝行逼魚龍一道鳴迅湍兩邊走連峰猿拂岸花落鳥啼蒼樹重煙靄吳楚連沂沿湖海通憶昨在西掖復曾入南宮日出朝聖人端笏陪羣公不意今棄置何由豁心胸吾當海上去且學乘桴翁

阻戎瀘間羣盜

戊申歲余罷官東歸屬
斷江路時淹泊戎州作

南州林莽深亡命聚其間殺人無昏曉屍積填江灣
餓虎銜髑髏饑烏啄心肝腥衰灘草死血流江水殷
夜雨風蕭蕭鬼哭連楚山三江行人絕萬里無征船
唯有白鳥飛空見秋月圓罷官自南蜀假道來茲川
瞻望陽臺雲惆悵不敢前帝鄉北近日瀘口南連蠻
何當遇長房縮地到京關願得隨琴高騎魚向雲煙
明主每憂人節使恒在邊兵革方禦寇爾惡胡不悛
吾竊悲爾徒此生

安得全

郡齋閒坐

負郭無良田
屈身徇微祿
平生好疎曠
何事就羈束
幸會趨丹墀
數得侍黃屋
故人盡榮寵
誰念此幽獨
州縣非宿心
雲山欣滿目
頃來廢章句
終日披案牘
佐郡竟何成
自悲徒碌碌

衙郡守還

洪邁曰監司郡守初上事既受官吏參謁至晡時僚屬復伺於客次胥吏

立庭下通刺曰衙以聽進退之命

世事何反覆一身難可料頭白翻折腰還家私自笑所
嗟無產業妻子嫵不調五斗米留人東谿憶垂釣

行軍詩二首

時扈從
在鳳翔

吾竊悲此生四十幸未老一朝逢世亂終日不自保胡
兵奪長安宮殿生野草傷心五陵樹不見二京道我皇
在行軍兵馬日浩浩胡雛尚未滅諸將愆征討昨聞咸
陽敗殺戮淨如埽積屍若丘山流血漲豐鎬干戈礙鄉
國豺虎滿城堡村落皆無人蕭條空桑棗儒生有長策

無處豁懷抱塊然傷時人舉首哭蒼昊

早知逢世亂少小謾讀書悔不學彎弓向東射狂胡偶
從諫官列謬向丹墀趨未能匡吾君虛作一丈夫撫劍
傷世路哀歌泣良圖功業今已遲覽鏡悲白鬚平生抱
忠義不敢私微軀

秋夕聽羅山人彈三峽流泉

皤皤岷山老抱琴鬢蒼然衫袖拂玉徽為彈三峽泉此
曲彈未半高堂如空山石林何魑魍忽在牕戶間統指

弄鳴咽青絲激潺湲演漾怨楚雲虛徐韻秋煙疑兼陽
臺雨似雜巫山猿幽引鬼神聽淨令耳目便楚客腸欲
斷湘妃淚斑斑誰裁青桐枝絙以朱絲絃能含古人曲
遞與今人傳知音難再逢惜君方老年曲終月已落惆
悵東齋眠

尹相公京兆府中棠樹降甘露詩

相國尹京兆政成人不欺甘露降府庭上天表無私非
無他人家豈少羣木枝被茲甘棠樹美掩召伯詩團團

甜如蜜晶晶凝若脂千柯玉光碎萬葉珠顚垂崑崙何
時來慶雲相逐飛魏宮銅盤貯漢帝金掌持王澤布人
和精心動靈祇君臣日同德禎瑞方潛施何術令大臣
感通能及茲忽驚政化理暗與神物期却笑趙張輩徒
稱今古稀為君下天酒麴蘖將用時

劉相公中書江山畫障

相府徵墨妙揮毫天地窮始知丹青筆能奪造化工瀟
湘在蘆間廬壑橫座中忽疑鳳凰池暗與江海通粉白

湖上雲黛青天際峰晝日恒見月孤帆如有風巖花不
飛落澗草無春冬擔錫香鑪緇釣魚滄浪翁如何平津
意尚想塵外蹤富貴心獨輕山林興彌濃喧幽趣頗異
出處事不同請君為蒼生未可追赤松


精衛

負劍出北門乘桴適東溟一鳥海上飛云是帝女靈玉
顏溺水死精衛空為名怨積徒有志力微竟不成西山
木石盡巨壑何時平

石上藤得上字

石上生孤藤弱蔓依石長不逢高枝引未得凌空上何

處堪託身一作可堪託為君長萬丈



御定全唐詩卷一百九十八

欽定四庫全書

集部

御定全唐詩卷一百九十九至二百一

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣鮑之鍾

謄錄監生臣周牧

欽定四庫全書

御定全唐詩卷一百九十九

岑參

臨河客舍呈狄明府兄留題縣南樓

黎陽城南雪正飛
黎陽渡頭人未歸

一作渡口
人渡稀

河邊酒

家堪寄宿主人小
女能縫衣故人高
卧黎陽縣一別三
年不相見邑中雨
雪偏着時隔河東
郡人遙羨鄴都唯
見古時丘漳水還
如舊日流城上望
鄉應不見朝來好

是嬾登樓

客舍悲秋有懷兩省舊遊呈幕中諸公

三度為郎便白頭一從出守五經秋
莫言聖主長不用其那蒼生應未休
人間歲月如流水客舍秋風今又起
不知心事向誰論江上蟬鳴空滿耳

白雪歌送武判官歸京

北風捲地白草折胡天八月即飛雪
忽如一夜春風來千樹萬樹梨花开
散入珠簾濕羅幕狐裘不煖錦衾薄

將軍角

一作
雕

弓不得控都護鐵衣冷難着瀚海闌干百

丈

一作
十尺

冰愁雲黯淡萬里凝中軍置酒飲歸客胡琴琵琶

與羌笛紛紛暮雪下轅門風掣紅旗凍不翻輪臺東

門送君去去時雪滿天山路山迴路轉不見君雪上空

留馬行處

熱海行送崔侍御還京

側聞陰山胡兒語西頭熱海水如煮海上衆鳥不敢飛

中有鯉魚長且肥

海中有
赤鯉

岸傍青草常不歇空中白雪

遙旋滅蒸沙爍石然虜雲沸浪炎波煎漢月陰火潛燒
天地鑪何事偏烘西一隅勢吞月窟侵太白氣連赤坂
通單于送君一醉天山郭正見夕陽海邊落柏臺霜威
寒逼人熱海炎氣為之一作君薄

輪臺歌奉送封大夫出師西征

輪臺城頭夜吹角輪臺城北旄頭落羽書昨夜過渠黎
單于已在金山西戍樓西望煙塵黑漢兵屯在輪臺北
上將擁旄西出征平明一作小胡吹笛大軍行四邊伐一作戍

鼓雪海湧三軍大呼陰山動虜塞兵氣連雲屯戰場白
骨纏草根劔河風急雪片濶沙一作河口石凍馬蹄脫亞
相勤王甘苦辛誓將報主靜邊塵古來青史誰不見今
見功名勝古人

敷水歌送竇漸入京

羅敷昔時秦氏女千載無人空處所昔時流水至今流
萬事皆逐東流去此水東流無盡期水聲還似舊來時
岸花仍自羞紅臉隄柳猶能學翠眉春去秋來不相待

水中月色常不改羅敷養蠶空耳聞使君五馬今何在
九月霜天水正寒故人西去度征鞍水底鯉魚幸無數
願君別後垂尺素

天山雪歌送蕭治

一作

歸京

天山有雪常不開千峰萬嶺雪崔嵬北風夜捲赤亭口
一夜天山雪更厚能兼漢月照銀山復逐胡風過鐵關
交河城邊飛鳥絕輪臺路上馬蹄滑暗靄寒氛萬里疑
闌干陰崖千丈冰將軍狐裘卧不暖都護寶刀凍欲斷

正是天山雪下時
送君走馬歸京師
雪中何以贈君別
惟有青青松樹枝

火山雲歌送別

火山突兀赤亭口
火山五月火雲厚
火雲滿山凝未開
飛鳥千里不敢來
平明乍逐胡風斷
薄暮渾隨塞雨回
繚繞斜吞鐵關樹
氛氲半掩交河戍
迢迢征路火山東
山上孤雲隨馬去

青門歌送東臺張判官

青門金鎖平旦開城頭日出使車回青門柳枝正堪折
路傍一日幾人別東出青門路不窮驛樓官樹灞陵東
花撲征衣看似繡一作錦雲隨去馬色疑驄胡姬酒壚日

未午絲繩玉缸酒如乳灞頭落花沒馬蹄昨夜微雨花
成泥黃鸝翅濕飛轉低關東尺書醉嬾題須臾望君不
可見揚鞭飛鞚疾如箭借問使乎何時來莫作東飛伯
勞西飛燕

梁園歌送河南王說判官

君不見梁孝王脩竹園
頽牆隱赫勢仍存
嬌娥曼臉成

草蔓羅帷珠簾空
竹根大梁一旦人
代改秋月春風不

相待池中幾度雁
新來洲上千年鶴
應在

梁園中有雁池鶴洲

梁

園二月梨花飛却似
梁王雪下時
當時置酒延枚叟
肯料平臺孤兔走
萬事翻覆如浮雲
昔人空在今人口
單父古來稱宓生
祇今為政有吾兄

家兄時宰單父

輶軒若過梁

園道應傍琴臺聞政聲

走馬川行奉送出師西征

一作行

君不見走馬川行雪海邊

一作君不見
走馬滄海邊

平沙莽莽黃入

天輪臺九月風夜吼一川碎石大如斗隨風滿地石亂

走匈奴草黃馬正肥金山西見煙塵飛漢家大將西出

師將軍金甲夜不脫半夜軍行戈相撥風頭如刀面如

割馬毛帶雪汗氣蒸五花連錢旋作冰幕中草檄硯水

凝虜騎聞之應膽慄料知短兵不敢接車師西門佇獻

捷

函谷關歌送劉評事使關西

君不見函谷關崩城毀壁至今在
樹根草蔓遮古道空
谷千年長不改寂寞無人空
舊山聖朝無外事一作不須
關白馬公孫何處去青牛老人更不還
蒼苔白骨空滿地月與古時長相似
野花不省見行人山鳥何曾識
關吏故人方乘使者車吾知邠丹却不如
請君時憶關外客行到關西多致書

胡茄歌送顏真卿使赴河隴

君不聞胡茄聲最悲紫髯綠

一作碧

眼胡人吹吹之一曲

猶未了愁殺樓蘭征戍兒涼秋八月蕭關道北風吹斷
天山草崑崙山南月欲斜胡人向月吹胡笳胡笳怨兮
將送君秦山遙望隴山雲邊城夜夜多愁夢向月胡笳
誰喜聞

秦箏歌送外甥蕭正歸京

汝不聞秦箏聲最苦五色纏絃十三柱怨調慢聲如欲
語一曲未終日移午紅亭水木不知暑忽彈黃鐘和白
紵清風颯來雲不去聞之酒醒淚如雨汝歸秦兮彈秦

聲秦聲悲兮聊送汝

與獨孤漸道別長句兼呈嚴八侍御

輪臺客舍春草滿潁陽歸客腸堪斷窮荒寂寞鳥不飛
萬磧千山夢猶嬾憐君白面一書生讀書千卷未成名
五侯貴門脚不到數畝山田身自耕興來浪跡無遠近
及至辭家憶鄉信無事垂鞭信馬頭西南幾欲窮天盡
秦使三年獨未歸邊頭詞客舊來稀借問君來得幾日
到家不覺換春衣高齋清晝卷帷幕紗帽接羅幄不着

中酒朝眠日色高
彈碁夜半燈花落
冰片高堆金錯盤
滿堂凜凜五月寒
桂林蒲萄新吐蔓
武城刺蜜未可餐
軍中置酒夜撾鼓
錦筵紅燭月未午
花門將軍善胡歌
葉河蕃王能漢語
知爾園林壓渭濱
夫人堂上泣羅帶
魚龍川北盤谿雨
烏鼠山西洮水雲
臺中嚴公於我厚
別後新詩滿人口
自憐棄置天西頭
因君為問相思否

送費子歸武昌

漢陽歸客悲秋草
旅舍葉飛愁不掃
秋來倍憶武昌魚

夢着只在巴陵道曾隨上將過祈連離家十年恒在邊
劒鋒可惜虛用盡馬蹄無事今已穿知君開館常愛容
樗蒲百金每一擲平生有錢將與人江上故園空四壁
吾觀費子毛骨竒廣眉大口仍赤髭看君失路尚如此
人生貴賤那得知高秋八月歸南楚東門一壺聊出租
路指鳳皇山北雲衣沾鸚鵡洲邊雨勿歎蹉跎白髮新
應須守道勿羞貧男兒何必戀妻子莫向江村老却人

送韓巽入都覲省便赴舉

槐葉蒼蒼柳葉黃秋高八月天欲霜青門百壺送韓侯
白雲千里連嵩丘北堂倚門望君憶東歸扇枕後秋色
洛陽才子能幾人明年桂枝是君得

送李副使赴磧西官軍

火山六月應更熱赤亭道口行人絕知君慣度祈連城
豈能愁見輪臺月脫鞍一作衣暫入酒家壚送君萬里西
擊胡功名祇向馬上取真是英雄一丈夫

涼州館中與諸判官夜集

彎彎月出挂城頭城頭月出照梁

涼一作

州涼州七里

一作

城

十萬家胡人半解彈琵琶琵琶一曲腸堪斷風蕭蕭

兮夜漫漫河西幕中多故人故人別來三五春花門樓
前見秋草豈能貧賤相看老一生大笊能幾迴斗酒相
逢須醉倒

酒泉太守席上醉後作

琵琶長笛曲相和羌兒胡雛齊唱歌渾炙犁牛烹野駝
交河美酒歸

一作金

巨羅三更醉後軍中寢無奈秦山歸

夢何

偃師東與韓樽同詣景雲

英華無景雲二字

暉上人即

事

山陰老僧解楞伽 潁陽歸客遠相過 煙深草濕昨夜雨

雨後秋風渡漕河 空山終日塵事少 平

一作出

郊遠見行

人小

一作人行渺

尚書磧上 黃昏鐘別駕 渡頭一歸鳥

醉題匡城周少府廳壁

婦姑城南風雨秋 婦姑城中人獨愁 愁雲遮却望鄉處

數日不上西南樓故人薄暮公事閒玉壺美酒琥珀殷
潁陽秋草今黃盡醉卧君家猶未還

燉煌太守後庭歌

燉煌太守才且賢郡中無事高枕眠太守到來山出泉
黃砂磧裏人種田燉煌耆舊鬢皓然願留太守更五年
城頭月出星滿天曲房置酒張錦筵美人紅妝色正鮮
側垂高髻插金鈿醉坐藏鈎紅燭前不知鈎在若箇邊
為君手把珊瑚鞭射得半段黃金錢此中樂事亦已偏

喜韓樽相過

三月灞陵春已老故人相逢耐醉倒
甕頭春酒黃花脂
祿米只充沽酒資
長安城中足年少
獨共韓侯開口笑
桃花點地紅斑一作如錦
斑有酒留君且莫還
與君兄弟日攜手
世上虛一作浮名好是閒

銀山磧西館

銀山磧口風似箭
鐵門關西月如練
雙雙愁淚沾馬毛
颯颯胡沙迸人面
丈夫三十未富貴
安能終日守筆硯

感遇

五花驄馬七香車云是平陽帝子家
鳳皇城頭日欲斜
門前高樹鳴春鴉
漢家魯元君不聞
今作城西一古墳
昔來唯有秦王女
獨自吹簫乘白雲

太白胡僧歌

并序

太白中峰絕頂有胡僧不知幾百歲
眉長數寸身不製
繒帛衣以草葉恒持楞伽經
雲壁迴絕人跡罕到
嘗東峰有鬪虎弱者將死
僧杖而解之西湫

有毒龍久而為患僧器而貯之商山趙叟前年米
茯苓深入太白偶值此僧訪我而說予恒有獨往
之意聞而悅之乃為歌曰

聞有胡僧在太白蘭若去天三百尺一持楞伽入中峰
世人難見但聞鐘牕邊錫杖解兩虎牀下鉢盂藏一作盛

一龍草衣不鍼復不線兩耳垂肩眉覆面此僧年幾那
得知手種青松今十圍心將流水同清淨身與浮雲無
是非商山老人已曾識願一見之何由得山中有僧人

不知城裏看山空黛色

衛節度赤驃馬歌

君家赤驃畫不得一團旋風桃花色紅纓紫鞵珊瑚鞭
玉鞍錦鞵黃金勒請君鞵一作鞞出看君騎尾長率地如

紅絲自矜諸馬皆不及却憶百金新買時香街紫陌鳳
城內滿城見者誰不愛揚鞭驟急白汗流弄影行驕碧
蹄碎紫髯胡雛金剪刀平明剪出三髮高樞上看時獨
意氣衆中牽出偏雄豪騎將獵向南山口城南狐兔不

復有草頭一點疾如飛卻使蒼鷹翻向後憶昨看君朝
未央鳴珂擁蓋滿路香始知邊將真富貴可憐人馬相
輝光男兒稱意得如此駿馬長鳴北風起待君東去掃
胡塵為君一日行千里

田使君美人舞如蓮花北鋌歌

此曲本出北同城

美人舞如蓮花旋世人有眼應未見高堂滿地紅氍毹
試舞一曲天下無此曲胡人傳入漢諸客見之驚且歎
慢臉嬌娥纖復穠輕羅金縷花蔥籠回裾轉袖若飛雪

左鋌右鋌生旋風琵琶橫笛和未匝花門山頭黃雲合
忽作出塞入塞聲白草胡沙寒颯颯翻身入破如有神
前見後見回回新始知諸曲不可比采蓮落梅如聒耳
世人學舞祇是舞恣一作姿態豈能得如此

裴將軍宅蘆管歌

遼東九月蘆葉斷遼東小兒采蘆管可憐新管清且悲
一曲風颺海頭滿海樹蕭索天雨霜管聲寥亮月蒼蒼
白狼河北堪愁恨玄兔城南皆斷腸遼東將軍長安宅

美人蘆管會佳客弄調啾飀勝洞簫發聲窈窕欺橫笛
夜半高堂客未回祇將蘆管送君杯巧能陌上驚楊柳
復向園中誤落梅諸客愛之聽未足高捲珠簾列紅燭
將軍醉舞不肯休更使美人吹一曲

韋員外家花樹歌

今年花似去年好去年人到今年老始知人老不如花
可惜落花君莫埽君家兄弟不可當列卿御史尚書郎
朝回花底恒會容花撲玉缸春酒香

醉後戲與趙歌兒

秦州歌兒歌調苦偏能立唱濮陽女座中醉客不得意
聞之一聲淚如雨向使逢着漢帝憐董賢氣咽不能語

范公叢竹歌

并序

職方郎中兼侍御史范公乃於陝西使院內種竹
新製叢竹詩以見示美范公之清致雅操遂為歌
以和之

世人見竹不解愛知君種竹府城內此君託根幸得地

種來幾時聞已大盛暑脩脩叢色寒閒宵槭槭葉聲乾
能清案牘簾下見宜對琴書牕外看為君成陰將蔽日
迸筓穿堦踏還出守節偏凌御史霜虛心願比郎官筆
君莫愛南山松樹枝竹色四時也不移寒天草木黃落
盡猶自青青君始知

玉門關蓋將軍歌

蓋將軍真丈夫行年三十執金吾身長七尺頗有鬚王
門關城迴且孤黃沙萬里白草枯南鄰犬戎北接胡將

軍到來備不虞五千甲兵膽力麤軍中無事但歡娛暖
屋繡簾紅地爐織成壁衣花穠毬燈前侍婢瀉玉壺金
鐘亂點野醅醑紫紱金章左右趨問着只是蒼頭奴美
人一雙閒且都朱脣翠着映明矐一作清歌一曲世所

無今日喜聞鳳將雛可憐絕勝秦羅敷使君五馬謾踟

躑野草繡窠紫羅襦紅牙縷馬對檣捕玉盤纖手撒一作

撥作盧衆中誇道不曾輸櫃上昂昂皆駿駒桃花叱撥

價最殊騎將獵向城南隅臘日射殺千年狐我來塞外

按邊儲為君取醉酒刺沽醉爭酒盞相喧呼忽一作憶

咸陽舊酒徒

贈酒泉韓太守

太守有能政遙聞如古人俸錢盡供客家計常清貧酒
泉西望玉關道千山萬磧皆白草辭君走馬歸長安憶
君倏忽令人老

贈西嶽山人李岡

君隱處當一星蓮花峰頭飯黃精仙人掌上演丹經鳥

可到人莫攀隱來十年不下山袖中短書誰為達華陰
道士賣藥還

送張獻心充副使歸河西雜句

將門子弟君獨賢一從受命常在邊未至三十已高位
腰間金印色赭然前日承恩白虎殿歸來見者誰不羨
篋中賜衣十重餘案上軍書十二卷看君謀智若有神
愛君詞句皆清新澄湖萬頃深見底清冰一片光照人
雲中昨夜使星動西門驛樓出相送玉瓶素蟻臘酒香

金鞭白馬紫遊韉花門南燕支北張掖城頭雲正

一作
嶺雲

黑送君一去天外憶

送郭又雜言

地上青草出經冬今始歸博陵無近信猶未換春衣憐
汝不忍別送汝上酒樓初行莫早發且宿灞橋頭功名
須及早歲月莫虛擲早年已工詩近日兼注易何時過
東洛早晚度盟津朝歌城邊柳彈地邯鄲道上花撲人
去年四月初我正在河朔曾上君家縣北樓樓上分明

見恒嶽中山明府待君來須計行程及早回到家速覓
長安使待汝書封我自開

送魏升卿

一作叔虹

擢第歸東都因懷魏校書陸渾

喬潭

井上桐葉雨

一作赤

灞亭卷秋風故人適戰勝匹馬歸山

東問君今年三十幾能使香名滿人耳君不見三峰直
上五千仞見君文章亦如此如君兄弟天下稀雄辭健
筆皆若飛將軍金印鞶紫綬御史鐵冠重繡衣喬生作

尉別來久因君為問平安否魏侯校理復何如前日人
來不得書陸渾山下佳可賞蓬閣閒時日應往自料青
雲未有期誰知白髮偏能長壚頭青絲白玉瓶別時相
顧酒如傾搖鞭舉袂忽不見千樹萬樹空蟬鳴

送魏四落第還鄉

東歸不稱意客舍戴勝鳴臘酒飲未盡春衫縫已成長
安柳枝春欲來洛陽梨花在前開魏侯池館今尚在猶
有太師歌舞臺君家盛德豈徒然時人注意在吾賢莫

令別後無佳句祇向壚頭空醉眠

送宇文南金放後歸太原寓居因呈太原郝主

簿

歸去不得意北京關路賒却投晉山老愁見汾陽花翻
作灞陵客憐君丞相家夜眠旅舍雨曉辭春城鴉送君
繫馬青門口胡姬壚頭勸君酒為問太原賢主人春來
更有新詩否

西亭子送李司馬

高高亭子郡城西直上千尺與雲齊盤崖緣壁試攀躋
羣山向下鳥飛低使君五馬天半嘶絲繩玉壺為君提
坐來一望無端倪紅花綠柳鶯亂啼千家萬井連迴谿
酒行未醉聞暮雞點筆操紙為君題為君題惜解攜草
萋萋沒馬蹄

漁父

扁舟滄浪叟心與滄浪清不自道鄉里無人知姓名朝
從灘上飯暮向蘆中宿歌竟還復歌手持一竿竹竿頭

釣絲長丈餘，鼓棹乘流無。定居世人那得識，一作深意
此翁取適非取魚。

登古鄴城

下馬登鄴城，城空復何見。東風吹野火，暮入飛雲殿。一作

入暮飛雲電

城隅南對望陵臺，漳水東流不復回。武帝宮中

人去盡，年年春色為誰來。

邯鄲客舍歌

客從長安來，驅馬邯鄲道。傷心叢臺下，一帶生蔓草。客

舍門臨漳水邊垂楊下繫釣魚船
邯鄲女兒夜沽酒對
客挑燈誇數錢
醕酊醉時日正午一曲狂歌壚上眠

宿蒲關東店憶杜陵別業

關門鎖歸客一夜夢還家
月落河上曉遙聞秦樹鴉
長安二月歸正好杜陵樹邊純是花

感遇

北山有芳杜靡靡花正發
未及得采之秋風忽吹殺
君不見拂雲百丈青松柯
縱使秋風無奈何四時常作青

黛色可憐杜花不相識

優鉢羅花歌 并序

參嘗讀佛經聞有優鉢羅花目所未見天寶庚申
歲參叅大理評事攝監察御史領伊西北庭度支
副使自公多暇乃於府庭內栽樹種藥為山鑿池
婆娑乎其間足以寄傲交河小吏有獻此花者云
得之於天山之南其狀異於衆草勢巖從如冠弁
巖然上聳生不傍引攢花中折

一作

駢葉外包異

香騰風秀色媚景因賞而歎曰爾不生於中土僻
在遐裔使牡丹價重芙蓉譽高惜哉夫天地無私
陰陽無偏各遂其生自物厥性豈以偏地而不生
乎豈以無人而不芳乎適此花不遭小吏終委諸
山谷亦何異懷才之士未會明主擯於林藪邪因
感而為歌歌曰

白山南赤山北其間有花人不識綠莖碧葉好顏色葉
六瓣花九房夜掩朝開多異香何不生彼中國兮生西

方移根在庭媚我公堂恥與衆草之為伍何亭亭而獨
芳何不為人之所賞兮深山窮谷委嚴霜吾竊悲陽關
道路長曾不得獻於君王

蜀

一作戎

葵花歌

英華作劉春虛詩
注云附見岑參詩

昨日一花開今日一花開今日花正好昨日花已老始

知人老不如花可惜落花君莫埽

上二句與韋員外家花
樹歌相重他本多無此

二人人生不得長少年莫惜牀頭沽酒錢請君有錢向酒
家君不見蜀葵花

題李士曹廳壁畫度雨雲歌

似出棟梁裏如和風雨飛
掾曹有時不敢歸謂言雨過
濕人衣

入蒲關先寄秦中故人

秦山數點似青黛渭上一作水一條如白練
京師故人不可見寄將兩眼看飛燕

御定全唐詩卷一百九十九